

Hubungi: Rahayu Mustafa  
019-9391256 / 019-9391186



## SIDANG PERTAMA DUN TERENGGANU KE-13

# MB jelas isu exco agama

*Terengganu amal sistem seperti kerajaan Pusat*

**KUALA TERENGGANU** – Menteri Besar, Datuk Seri Ahmad Said semalam memberi penjelasan tentang isu ketiadaan portfolio agama khusus dalam barisan exco selepas ia dibangkitkan pada persidangan Dun di Wisma Darul Iman.

Menurut Ahmad, Terengganu mengamalkan sistem serupa dengan kerajaan Pusat, di mana hal ehwal agama diletakkan di bawah tanggungjawab Menteri di Jabatan Perdana Menteri, bukan menteri agama.

“Peringkat negara ada

menteri (yang jaga agama) juga, cuma tidak disebut menteri agama. Cuma sebut menteri di jabatan perdana menteri dan dipertanggungjawab kepada agama. Sama dengan kita, exco tugas-tugas khas di pertanggungjawabkan kepada agama. Sama saja,” katanya.

Beliau berkata demikian bagi menjawab soalan tambahan dikemukakan Datuk Seri Abdul Hadi Awang (Pas-Rhu Rendang) yang mendakwa, agama diletakkan dalam aspek kecil apabila tidak diwujudkan satu portfolio khusus.



**GHAZALI**

Terdahulu, menjawab soalan Abdul Hadi yang ingin mengetahui exco bertanggungjawab mengendali-

kan urusan agama dalam pentadbiran kerajaan negeri baru, Ghazali Taib memaklumkan ia di bawah kuasa beliau sebagai Pengerusi Jawatankuasa Pelajaran, Pengajian Tinggi, Inovasi dan Tugas-tugas Khas negeri.

Ghazali berkata, Majlis Agama Islam dan Adat Melayu Terengganu (Maidam) bertanggungjawab penuh kepada agama Islam dan beliau hanya membantu dari segi jaringan kerjasama bagi memastikan semua urusan agama di negeri ini berjalan dengan baik.

Katanya, walaupun ada segelintir pihak memandang rendah, namun beliau mempunyai kelayakan dan kemampuan melaksanakan tugas tersebut kerana turut mempunyai latar belakang bidang agama.

“Saya belajar di Kolej Universiti Sultan Zainal Abidin semasa awal penubuhan, saya adalah pelajar awal, di UM (Universiti Malaya) saya belajar Bahasa Arab dan ikuti kursus prinsip hukum, saya juga mengkaji tentang hukum jadi tidak salah saya pikul tanggungjawab ini,” katanya.



**Sama dengan kita, exco tugas-tugas khas dipertanggungjawab kepada agama. Sama saja.”**

**Ahmad Said**